

Signle: St

Aufbewahrungsort: Bibliothèque Nationale et Universitaire de Strasbourg

Signatur: Ms. 2267

[32r,01]spricht Salomon Der mensch weißt nit fein ennd aber recht als
dye viſch werdent gefangen mit dem angel alfo werdent die menſchen
gefangen in der zeit des ubels Wann wir haben nichts gewiffers
dann den tode vnd nichts vngewiffers dann die ftund des todes Dar(=)
umb menſch merck ſich an vnd erkenn folche vngeweißheit vnd bis nit
ſaumig in g^outen wercken funder wart emflich vnd eyle das du nit
mit den toechten iunckfrawen werdeſt aufzgechloffen Betrachte
offt das du ſterben müſt vnd furſych deine letſte vnd jungſte ding
in allen wercken t^un vnd laſſen ſo wirdeſt du in ewig zeit nit
funden

Kere dich hie z^u got du armer funder wann
das letſt gericht wirt dir hert vnd ſchwere
hyr hait ſant anſelmus frage eyn anebefanck
Des wiſz Iheſum vnd mariam fagen danck amen
Sant anſelmus bat vnſer frauwe lange zyt wat groffer
begerde myt faſten myt wachen vnd mit anedehtigen
gebedde vnd myt heyffen treynnen Das fy yne kunt(=)
dede yres eyngbornes kyndes martel wye is von
dem anfanck bis zu dem ende erginck Do erſchein ym vnffz
frauwen zu eynem mal vnd ſprach zu yme anſelmus myn kynt hat
ſo mannichfeltige martell geleyden das fy nyemenns gefagen
kan an weynen Dye wile ich nu erhaben byn vber alles hymel(=)
ſches here vnd erhoget von mynem lieben kynde ſo en ſal ich nyt me
weynen Vnd darnac du mich frageſt das fagen ich dyr wie ys
erginck Sant anſelmus ſprach zu marie vnd was van herczen fro
wyn was der anefanck der martel dynes lyeben kyndes vns frau(=)
we ſprach Do myn kynt hatte gefzen myt fynen jungeren
vor fyner marter das Jungſte was vnd fy von dem dyſche vff(=)
ftunden Do gynck judas ſnel zu den furften den Juden vnd
kam eynes gedinges myt yn vbereyn das er wulde myn kynt
verraden den Juden waren des gedinges fro vnd gabent yme
XXX pennynck Sant anſelmus ſprach Sage myr lieue frauwe

welcherhande pennynck warent das vnser frauwe sprach Sy
waren geheyschen yfmaheliten davon dye pennynck den namen
hatten das was eyn geflechte vnd fy kauften yn vmb xxx pen(=
ninck vnd die Juden den die penninck wurden zudeile dy behel(=
ten fy vor eyn erbfschaft vnd eyn ickeliches geflechte helt fy finen
[32v,01]nackoemen wol duferent jaer Want fy warent kostelichen vnd dure Ich
wil dyr och vort sagen warvmb fy also heifchen Do Joseph fynen
bruder verkaufte do kaufte yn eynerhande lude dy heyschet
ifmaheliten davon dye penninck den namen hant vnd dye Juden
dye jerusalem warent die das gut hatten von der erbfschaft die wa(=
rent mynem kinde fyant Wy lange fy is behalten hetten doch
fo gabent fy juda dye penninck vmb myn kynt vnd do Judas
dy pennynck gefach do gefiellent fy yme also wol das er myn kynt
darvmb gab wie wol das er yn vorgewaret hatte **anfelmus**
Sage myr lieue frauwe wereftu by yme zu der zyt maria
Neyn fonder du fals wiffen do myn kynt hatte gefsen mit fynen Jun(=
geren vnd yn hatte yre fufze gewafchen vnd fynen heiligen licham
geben vnd yn auch gar fufzelichen gepredict vnd iudas von jn was
gegangen zu den juden Do genck myn kynt mit finen Jungeren von dem
berge fyon vfzer der ftat zu dem dur vfz das da heifchet das gulden
dur zu eynem burnen der da heifchet fyloe by dem was eyn garte Da
was er dicke ingegangen mit finen jungeren vnd lyt onder den
berge oliueti da heifch er fyn jungeren beiden vnd gynck von
yn alleyn uff den berge oliueti wol als ferre als man eyn steyn
mach gewerffen myt der hant vnd myn kynt vil neder off fyne
kne vnd sprach den pfalmen Exaudi me domine quoniam benig^a est misericordia tua
Vnd bat fynen hymelihen vader an vnd sprach also Erhore mich
herre want dyn barmhertzikeit is groifz ne auertas faciem tuam puero
tuo Das spricheet Kere dyn antlitz nyt von dynem kynde want
ich byn yn groiffen forgen davon fo hilff myr balde **anfelmus**
Sage liebe frauwe warvmb bette er Maria vmb dryerhande
fache willen Dye erfte fache is Das er zer gar zarter naturen was
vnd ich yn gar zartelichen erzogen hatte vnd er eyner meygede kynt
was vnd von koniclichem geflechte geboren was vnd darvmb daz
er von fulcher zarter naturen was dat yme fyne marter vil defte
wirs vnd we Dye ander fache is darvmb myn kynt bete das yn fo

groifze forge vmbfangen hatte das yme *der* bludige fweis durch allen
fynen lyp vřzdranck das ifz uf die erde floifz want er warer got
was *der* alle dinck wol wyft Darvmb wift er woll vor aller fynen
marter wie is yme ergan fulde vnd wie er lefterlichen an dem cruce
folde fterben vnd darvmb daz er das alles vorwifte darvmb bette
er wye wol das eyn dyep nu weiß das er fterben muřz řo er verurteilt
ift so enpheit er doch vorhynen keynen fmertzen er daz man yn an
[33r,01]das feil hencket aber myn kynt entfenck vil mangeln groifzen fmertzen
vor fynen marter die er liden fulde vnd wulde Dye dritte fache is
darvmb myn kynt bette Das er wol wifte das die iuden keyne er(=)
barmde vber yn eyn muchten han vnd do er finen hymelfchen vater
bat muchte ys gefin das er yn der marter vberhub vnd doch fynen
willen nyt anfege fonder fines hymelfches vater wille folginck Do
fante yme fyn hymelfche vater eynen engel der yn fterckte vnd řprach
Byřt veřte vnd řtarck want du fals erlofen alles menřcheliches ge(=)
flechte vnd darna řfont er uff vnd ginck zu fynen jungeren do
warent fy vntflaiffen von vnmut vnd drupheit Doe řprach er zu yn
muchent yr nyt en wille wachen řehent er nachet řchere *der* mich
hyn wilt geben vnd darna zuhant kam judas mit eyner groifzen
řchar der iuden vnd do er begunde nachen do řprach er zo den iuden
Ir fint tzwene gar nache geliche eynander ihannes vnd jacobus fynen mumen
řon den man heřřchet fynen bruder vnd man kan gar kome eynen
vor dem ander erkennen Davon wil ich uch eyn zeichen geben den ich
kuffen den griffent an der ift is vnd habent yn veřt vnd furent
in gewerlichen vnd do Judas nu begunde nachen do ginck myn
kynt gegen yn vnd řprach wem fuchent yr Doe řprachent dy iuden
Iheřum von nazarenum Doe řprach myn kynt Ich byn is do fielen
řy alle hynder řich nyeder Doc řprach myn kynt alřo Synt ir mich
fuchent řo latet dy gan die by myr fint das dye gefchrift erfolt
werde Quos dedifti michi *et cetera* Das řprichet dye du myr haft gegeben
der habe ich keynen verloren vnd do myn kynt das gefprach do ginck
Judas dar vnd kuffte yn vnd řprach got grufze dich meifter Do řprach
myn kynt Judas wiltu des menřchen kynt hyngeden mit dem kuffe
vnd zuhant do fingen fy myn kynt do tzuch fant peter řin řwert
vřz vnd fluch des oberřten ewarten knecht das rechte ore abe
anfelmus Sage do myr reyne maget gefcach keyn tzeichen maria

Ja anfelmus myn kynt boit fyn hant dar vnd berurte fyn ore zu(=)
 hant wart er gefunt vnd sprach zo fant peter Do din fwert in
 fyn scheid want alle die mit dem fwerde vechten die werdent mit
 dem fwerde verortelt Weneftu nyt das ich mynnen vater von hiemel muchte
 bidden das er myr fente tzwolff fchar der engel vnd zuhant fluchent
 die jungeren alle von yme anfelmus Sage myr reyne maget we(=)
 reftu auch du by dynen lyeben kynde ihannes Maria Neyn ich en was
 nyt by yme anfelmus Warvmb liefze du yn die wille er dyr fo
 [33v,01]liep was Maria Es was nacht vnd was nit billich das junge frauwen
 an der ftraiffen gingent an[elmu] Nu fage myr farte frauwe wae
 wereftu dye zijt maria Ich was in myner fwefter¹ hufe iohannes moder
 anfelmus wer was der botte der dir dye boetschaft brachte wie
 ift vmb dyn kynt ergangen was maria Dye jungeren koement alle
 gelauffen mit groifzen iamer vnd hertzenleyde vnd sprachent zu mir
 auwe liebe frauwe vnd mutter dyn hertzesliebes kynt vnfer meifter
 der ift gefangen vnd ift von vns gefuret vnd en wiffent nyt ob er erlagen
 fy oder nyt anfelmus Sarte frauwe vnd muter war wart dyn kynt
 gefurt maria Er wart gefuret ufz dem garten da er yn gefangen wart
 durch eynen dal der heifchet iofaphat gen iherufalem durch das gulden
 dur dadurch eer dick gegangen was vnd wart gefuret in eyner pallaft
 der ftunt by des furften hufze annas da entzanten fy en fur da kament
 die ewarten vnd die fcriber die fameten fich in dem pallaft Do fragete yn
 der furfte annas von finen jungeren vnd von finer lere Do antwort yme
 myn kynt vnd sprach Ich han vffentlichen gepredict yn dem tempell
 da die juden alle zufamenkamen vnd han nyt hemelich geleret was
 frageftu mich frage die ie gehort hant die wiffent wol was ich gele(=)
 ret han Do myn kynt das hatte gheryt myt dem furften annas do floch
 ym eyn ambacht man des furften gar vnwillichen an fynen wangen
 vnd sprach Du fulteft dem bufchoff anders antworten Do sprach myn
 kynt gar fufzelichen zu dem der yn geflagen hatte Han ich wol gerete
 warvmb fleftu mich dan Do nament fyn ym vnd verbunden yme Syn
 augen deu man doch keyn diebe dut er wan er verurtelt is vnd
 fpotten Syner dye gantze nacht vnd fpuwent yme vnder fyn myn(=)
 necliches angefich vnd flugen yme uff fyn nacken vnd sprachen wy(=)
 fage vns wer der fy der dich gheslagen hat Do was myn kynt in

¹ eigentlich: fwefter

das hufze gegangen want annas kante yn wal Da nam iohannes
petrum vnd furte yn uch in des hufze vnd do petrus in des hufz ginck
do sprach eyn maget zu yme du bis auch des menschen junger Do
fwor petrus dryftont das er fyn nyt erkente noch yn nye hatte gefin
zuhant do kregede der hane Do gefach myn kynt petrum gar trure(=
lichen an Do gedachte petrus an dy wort dy er yme vor hatte gefaget
ee das der hane tzwir gekrehet fo haftu mynre dryftont verleucket
Do ginck petrus vifz dem hufz vnd weinte gar bitterlichen fere
anfelmus liebe frauwe wa wereftu do das alles gefcach
maria Do mir die jungeren das seitten das myn kynt gefangen
was do erzitterten myr alle myne lieder vnd ginck vfz balde
[34r,01]vnd maria magdalena myt myr vnd ginckent zu dem tempel daby
na ftunde des furten hufz annas Do horte ich eyn groifz gebrech yn
dem hufe vnd ich were gerne daryn gegangen das ich hette gefeyn
we is mynem kynde were ergangen Do wulte myr fyn nyemant
gehen noch gunnen yn das hufz zo gain Do gewan myn hertze gar
bitterliche noit vnd ftunt vor dem hufe vnd wente gar fere vnd sprach
myt groifzem iamer auwe myn hertzesliebes kynt eyn spiegel myner
augen wer h gyft mynem heuft wasser vnd mynen augen trehen das ich be(=
weynne den mort der an mynem kinde begangen wirt Do ginck maria
magdalena vmb daz hufz abe fy irgent funde eyn finfter das fy myn
kynt gefege yn fynen noitten Do horte ich das petrus mynes kyndes
verleuckete Do wulte myr gefwonden fyn das fin der furfte vnder
den zwolffen verleucket hatte vnd sprach mit eyner barmlichen stymmen
also auwe mynnecliches kynt welcherleye ende fol noch hude werden
dyner noit Synt din der hat verleucket der eyn heubet was vnder
allen dynen jungeren ach hymmelicher vater nu en wil ich dyn nymmer ver(=
leucken Ich ftunde vnd horte auch allen den spotte den man an yme be(=
ginge vnd do petrus mit heifchen weynen vfzer dem hufze ginck nac(=
dem als er fynre dryftunt verleucket hatte Do fant er mich vnd maria
magdalena vor dem hufze vnd sprach ich zu yme myt groifzen iamer
auwe peter was dut man mynem kynde ader wo ift is Do schrey petrus
mit eyner bermlichem stymmen vnd sprach zu myr auwe liebe frauwe man
fleicht dyn kynt an alle erbernde vnd fin ageficht is fo gemerlichen
verfpuent das man yn kome erkennen kan abe er eynes menschen
anegefich habe oder nicht vnd do er myr da gefeit do floch er vnd

verbarch sich vnder eynen heillen fteyn der heifche gallicantus vnd kam darufz
nicht ee das myn kynt gestarb an dem cruce anfelmus Sage myr
reyne frauwe wie was dyr an dyne junffrauwelich hertzen do du das
alles feges vnd hortest maria Do ginck her fymones fwert zu dem
andern male durch myn hertze anfelmus wye ginck ifz darna das
fage myr liebe frauwe maria Do is nu frage wart do furten fy myn
kynt vfzer des furften annas hufze in des byschofs hufz cayphas Do
gefach ich myn kynt do fyn yn gefangen furten Do lieff ich dar als eyn
lewen der yr kynt gefangen ift vnd do ich gefach das fyn mynneclicher
angeficht so gar verfpuen was do gehilt ich mich gar vbel vnd sprach zu
yme auwe myn czartes eyngbornes kynt wye ift dyn antlitz so rechte
iemerlichen gestalt des sich myn hertze so dicke erfrauwet hait wan ich is
angefach vnd ich luff vill balde dar vnd wulde myn kynt han vmbfangen
[34v,01]do wulde man myr is nyt gunnen Mich fteys eyner hyn vnd der ander her
vnd wart myt boifzen wortten vertrieben Do wart der lauff von den
luden als groifz gleicherwifz als da man eynen mifdedigen menschen
verderben wilt vnd do er fur gerichte kam do ftunt er als eyn vnfschul(=
diges lempgen das fynen munt nit uff dut so man is doden wylt vnd
fyn antlitz was so lefterlichen verfpuwen das is nitz anders gestalt en was
dan eyn vfferzigen menschen vnd fi funden uff yn valsch getzug vnd
sprach wyr hortten das er sprach Ich wil dem tempel brechen
vnd wil ym an dem dritten dage wyedermachen Das sprach er von
fynes felbes lybe vnd fy wonden er spreche von dem tempel de salomon
gemacht hatte Do sprach cayphas yme Sage vns abe du list der
gware got Do antwort yme myn kynt Sage ich uch das fo geleu(=
bent ir mir nicht Doch fagen ich uch werlichen ir werdent des menschen
fon sehen by der rechter hant fyner gotlicher craft vnd komet her
nyeder yn den wolcken des hemels Do ftunt der bischoff uff vnd tzorte
fin gewant vnd sprach zu den iuden was bedorffen wir me getzuc er hat
doch selber vergehen was duncket uch Do schruwent fy alle er is des dotes
wirdick vnd do ich das vrtell hoirte Do ginck her fymones fwert zu dem
dritten male durch myn hertze vnd fele anfelmus auch liebe frauwe fage
myr we erginck is darna maria Do furten fy yme gebonden voer
den richter pylatum vnd do das folck alles dar kam do schruwent
arm vnd rich junck vnd alt Nym hyn nym hyn crutzige yn vnd huben
yme uff das er hatte gesprochen er were gotz fon vnd hette och verboden

das man dem keuffer keyne zinfe gebe Do begunde pilatus fragen na fynem
konyng rich vnd sprach zu yme byftu der iuden konyg Do sprach myn kynt
also sprichestu is von dyr selber ader hait man dir is von myr gefeit
Do sprach pylatus byn ich dan eyn jude din geflechte die ewarten hant
dich myr geantwart was haftu gedan Do sprach myn kynt Myn rych
en ift nyt von der erden were myn rich von differ werlt myn ambacht(=
lude hulffent myr das ich nyt den iuden wurde geantwort Do sprach
pylatus So biftu doch eyn konig Do sprach myn kynt Du sprichestu i<s>
want ich byn eyn konig vnd byn darvmb geboren vnd uff ertrich komen
das ich eyn getzug fy der warheit Want wer von der warheit is der hoirt
myn ftymme Do sprach pylatus Waft is die warheit Do fweig myn kynt
vnd wulde yme der frage nyt antwerde want hette er yme gefeit
wa die rechte warheit were er hette yn von dem dode entlediget vnd
dan were alles menfchliches kunne verloren worden vnd do judas
hoirte das myn kynt verorltet was zu dem dode do genau in den
[35r,01]kauff vnd ginck hyn zu den furften der iuden vnd bracht yn die driffige
pennyck wieder vnd sprach Ich han gefundet das ich das gerechte
vnfchuldich blut han hyngeden Do sprachen die iuden was geit
vns das an Do ginck iudas hyn vnd warff dye driffich penninck
in dem tempel vnd ginck von yn vnd erhinck fich selber Pylatus
sprach zu dem iuden Ich finde keyn fach an yme damit er den
doit verdynt habe Die iuden sprachen er hait des folck beweget
myt lere von galileen dar hat er angefangen biz her vnd do pilatus
horte das er von galilea was Do fant er myn kynt herodi in den
zyden do herodes konig was das er yn gefege want er was in
der ftat zu iherufalem vnd hoirte auch fagen das er lange hatte begert
myn kynt zu fehen vnd damit wulde er fich verfunnen mit herodi
want fy warent lange tzeit fiant gewest Do herodes myn kynt gefach
do was er gar fro want er begerde von hertzen das er etzeliche zeichen
von yme muchte gefcheen Er fragede yn vil dingens vnd abe er das
kynt were das fyn vater doden wulde vnd von des fchulde er fo vil
kynder gedoit hatte do er yn fuchte vnd abe er der were der laferum er(=
weckete von dem dode vnd der witwen fon yn der ftat zu nayn gefunt
machte vnd der den blinde machte gefehen vnd al fulcher fragen deit
er manche an myn kynt vnd myn kynt wulde yme nye keyn wort
geantworten Do geboit yme herodes das er eyn tzeichen vor yme dede

er wulde yme fyn konygrich halber geben myn kynt fprach alles
nyt Do ftunden die Juden vnd faitten vill dinges von yme damyt fy
yme fynen vngelimp mirten vnd do herodes gefach das myn kynt
keyn zeichen vor yme don wulde do verfmahete is yme vnd alleyne fyn
folck vnd heifch yme eyn wyfz gewant andon vnd fante yme wieder
zu pylatum vnd ~~wa~~ also wart herodes myt pylatus verfunnet vnd pylatus
wifte wal die groifze fyantfchafft die die iuden hatten gegen yme vnd
fochte das fy yme erflugen ee das fy yn vur herodes brechten vnd heifch
gewapent lude myt yme gaen vnd det ym behuden vor den iuden vnd
do myn kynt wieder kam vor pylatum Do rijff pylatus den iuden vnd fprach
zu yn Ir hait myr dieffen menfchen bracht als eynen verkerer des folcks
vnd ich en fynden keyn fache an yme Ich wil yn tzuchtigen vnd wil yn
laiffen gan Do fchruwent die iuden fachte das er yn barrabam gebe vnd der
was eyn fcheer vnd was gefangen vnd manflach vnd hiefchent myn kynt
crucien Do fprach pylatus zu dem dritte male Ich wil yn herttelichen
tzuchtigen vnd laifzent yn gan want ich en fynden den keyne fache in yme
die iuden fchruwent aber crucie yn vnd do pylatus in dem gerichte fas
[35v,01]do fante fyn frauwe an das gerichte vnd fprach du haft nicht zu fchaffen
an diffen menfchen Ich han hynt yn difzer nacht vill von yme erlitten
yn dem floffe vnd do gedachte pylatus das er der iuden frantfchafft yme
uff hette gefait herodes do er yn yme wieder fante myt der crone kronet
man die rymfche konig vnd dye dorenkrone die pylatus rytter yme
ufffatze die hatte der konig von franckrich vnd die dornencrone en was
nyt dornen fy von merspiffen was vnd die dornen waren fo fcharff das
fy die mynem kynde nicht muchten mit den henden uff fyn heubet ge(=
setzen Sonder fy muften nyemen eynen ftaff vnd drucketen fy yme dae(=
mede uff fyn heubet das yme daz blut fyn antlitz gantz vbergoifz
Do nam yn pylatus wyder also cronet mit dem pelleren gewande vnde
furten yn vfz fur dye iuden Do fprach pylatus fehent vweren konig vnd
do fy yn erfagen do knyweten fy alle nyeder vnd fpotten fyn vnd gedachten nyt
an manig groifz tzeichen das er hatte gedan vor eren augen das er dye
blynden machte gefehen vnd die ftummen reden vnd mannyg groifz tzeichen
die er vor yn dede der hatten fyn alle vergeffen vnd fchruwent uff yn als
off eynen morder vnd fprachent also zu pylatum crucie yn Do fprach py(=
latus nement yn vnd crucient yn nach vren gefetze Do fprachent dy iuden
man foll yn doden na vnferen gefetze want er hatte gefprochen er fy go(=)

des fon vnd do pylatus das gehorte do erschrack er vnd ginck yn das hufz vnd nam myn kynt vnd sprach zu yme Wannem bistu Do wulde yme myn kynt nyt antworten Do sprach wiltu nyt myt myr reden weiftu nyt daz ich die gewalt han dich zu entledigen vnd zo doden Do sprach myn kynt Du hetteft keynen gewalt vber mich Er were dir dan vber mich geben vmb die rede hetter yn gerne laiffen gaen Do sprachen die iuden myt groiffen grymen czorn leftu yn gaen so bistu nyt des keyfers frunt Do pylatus dat horte das fy yme drauweten uff den keyfer Do nam er waffer vnd wufche fyn hende vnd sprach zu yn Ich byn vnfschul(=) dich an des rechten menfchen blut Do fchruwent dye iuden alle Syn blut das kome vber vns vnd vnfer nachkomen vnd fchruwent das fy yn heyfchen crucien vnd pylatus verhengede den iuden yren willen vnd fy lyeffen barrabam durch yr oifterrecht gan vnd pylatus gaff vrtel vber myn kynt vnd sprach Ich geben vrtel vber *Jesum nazarenum* das man yn foll doden des leifterlichen dodes an dem cruce **anfelmus** Sage myr zarte frauwe wie was dynem hertzen do du hoirteft daz vrtel vber dyn liebes kynt gan maria Do gynck zo dem vierten male her fy meones fwert durch myn fele alfo abe dye vrtel vber mich were gegangen **anfelmus** Sage myr lieue frauwe we ginck ifz darnach [36r,01] maria Sy nament myn liebes kynt vnd furten yn ufz das fy yn crucien willen vnd lachte yme daz cruce ~~da~~ off fynen rucke das was xv fchuwe lanck Doe hatte er alle dye nach vnd allen den dach alfo groifz arbeyt geleyden das er das cruce nyt getrogen et muchte Do tzwongen fy eynen der heyfz fy mon der bekam yn uff dem wege das er myne kynde das cruce muften helffen dragen das daden fy von keyner erbermde dan fy gefagen das er ift nyet gedragen muchte von fwacheit **Anfelmus** Gyngent yme vill lude nach maria Ja yme lieffent arm und rich nach yme gyngent auch vil frauwen nach dye yn bytterlichen weynten yme gingent auch vil lude nach dye uff yn fchruwent als uff eynen diep den man zu den galgen furet yme lieffent auch cleyn kynder nac vnd wurffent myt vnd vnflait uff myn kynt Do keirte sich myn kynt <v>mb gegen den frauwen vnd sprach Ir dochter von iherufalem weynet nyt vber mich funder weynnent vber uch vnd vber yr kynder dye da fteyn vnd vnflait uff mich werffent vnd nyt wyffent das fy fo vbel dunt want is komit noch der dach das fy werdent fprechen Selich fynt die frauwen dye nye keyn kynt getrugen vnd die brufte die ny keyn kynt gefugen

Sy werdent dan sprechen zu den bergen vallent uff vns so daz geschicht
an dem grunen hultze von yn was geschit dan an dem durren als abe
er spreche So fy das dem meister dunt was dunt fy dan den knechten
das fynt dye lieben heyligen glicherwile abe er gesprochen hette So myr
dyffe cleyne kynt so groiffen laiffter erbiettent yn yren kyntheit was
geschijt dan so fy alt werden man furte auch tzwene scheer myt yme
ufz das daden fy yme tzu eyne funderlichen lafter vnd do man yn myt
den tzweyen scheeren zu der dur ufzfurte do wart das gedreng alz groifz
von dem die yme nachlieffent vnd fyner spotten das ich fyner nyt mochte
gesehen vnd nyt mochte zu yme komen Do wart ich vnd maria magdalena
zu rade das wyr lieffent durch eyn ander gaffe vnd do wir kamen by eynem
burnen do bekam vns myn liebes kynt vnd was so iemerlichen gestalt
wer er nyt myn kynt gewesen ich hette yn nyt kunen erkennen Sy hadden
yme fyne hende zusammengebunden vnd furten yn als vnarmhertzelich
vnd do er mich erfag an dem wege vor yme ftan do neygede er fyn heu(=
bet gegen myr vnd sprach ach liebe mutter ich dancke dyr hude vnd alle
tzijt alle der liebe vnd alles gutten das du myr ye gedede vnd das du dem
tempel mynes lybes so tzartelichen ertzogen haft myt dyner armut vnd
myt dyner arbut vnd mich in allen mynen noden noch nye geloft vnd
du hulffest myr nu gerne abe du kundest vnd leuffest myr nach wye
verfmehet das ich byn aller der werelt vnd do fy yn gefurte bis an
dye ftat caluarie do crucigeten yn vnd fwene scheer myt yme vnd
[36v,01]hingent eynen zu der rechter hant den ander zu der lincker hant vnd myn kynt
zu mittelfte vnder die tzwene scheer **anfelmus Sage myr liebe frauwe**
wye daden fy yme maria nu hore anfelme eyn clegelich dinck das
doch keyn ewangelift bescribet Do fy nu kamen an dye ftat caluarie do
tzugen fy yme fyn gewant abe das yme eyn fadem an fynem libe nyt en
bleiff do erschrack mir myn hertze vil fere das fy yme dye groifze schande
vnd den groifzen lafter erbuden vnd ginck gar vnfertzochelig dar vnd
tzug eyn ding von mynem heubet vnd want yme das yme fyn lip
vnd der fleck was so vnreyne das er heifche caluarie vnd man en kunde
nyt vnflediger flecken han funden man schinte die schelmen da an
derselber ftat vnd hinck auch dip vnd morder dar Da lachten fy das
cruce nyeder uff die erde vnd lachten myn kynt mit fyne ruck daruff
vnd negelten yme yckeliche hant ane das cruce vnd dye nagel warent
so groifz das fy dye wonden so fere volten das keyn bludes tropfen daruff

neyt koemen en muchte vnd nament do eyn feill vnd bunden yme das an dem anderen arme vnd denten yme dem armen als ferre das fyn gleyder vyzereynander gyngen vnd darnach nament fy aber eyn feill vnd bunden yme an fyn fufze vnd denten die auch vfmayffen fere vff das die gefchriefft erfult wurde *Dinumerauerunt omnia offa mea* vnd do fy yme also gefpannen hatten do fatten fy yme eynen fuyfz off den andern vnd flugen yme do eynen nagel durch fyne fuyfz der was uch also groifz das yme keyn blut darvfz gelauffen kunde vnd do ich die groifze hemer(=) flege hoirtte do was die wifagunge erfolt *audi filia et vide* als aber er fprech Hore dochter dye bitterlichen hamerflege dye ich an mynen henden vnd fufzen han vnd an allen mynem lybe vnd do ich dyfz gehorte do ginck here fyneones fwert zu dem funften male durch myn fele Do nament fy das cruce vnd richten is uff myt mynem lieben kynde Do was daz cruce fo hoge das ich fyn voefze myt mynen henden nyt gereichen kunde Auwe des iemerlichen aneblickes den ich anegefang wye vngelig er do was dan zu der ftunden do ich fyn genas vnd do er uffgericht was mit dem cruce vnd begunde hangen von der fwert fynes libes bruchent yme fyne wonden uff an henden vnd fufzent das das blut fe davan ran nu hatte er eyn gewant ane als gewonheit was in dem lande Das gewant was also gemacht das is das heubet vnd den gantzen lyp bedeckete vnd was wifz als eyn lynendoch vnd dasfelbe gewant wart von fynen blude fo roit das is uff mich ran **anfelmus liebe frauwe wie erginck is darnach** maria Do fy yn gecrucigen do deilten fy fyn gewant vnd(=) eynander Do hatte myn kynt eynen rock aen der was gemacht ane alle nethe den wolten fy nyt zobrechen vnd wurffen das loifz darvmb *wen* [37r,01]er gantze wurde Difz gefcach darvmb das die fcriefft vollenbracht wurde *Diuiserunt et cetera* Myn gewant wirt zetedet vnd wirt eyn loifz daruff geworffen Darna heysch *pylatus* fchryben dryerhande fprache hebreis kries vnd latyn *Ihesus nazareus rex iudeorum* das mutte dye iuden vnd fprachent zu *pylatum* warvmb haftu das ghescreben Do sprach *pylatus* das ich gefcreben han das is gefcreben Darna gin(=) gent fy vor das cruce vnd hubent yr heuber uff wieder yn gar spot(=) lichen mit worten vnd fprachent Das ift der den tempel wulde brechen vnd yn dryn dagen wiedermachen Biftu godes fon fo ganck von den crutze vnd behalt dich felber Er halff anderen luden vnd mag yme felber nyt gehelffen Biftu *der konig von iherufalem* fo ganck von deme

cruce fo willent wyr dyr geleuben want er sprach er were godes son
anfelmus liebe frauwe do man fyn albo spotte sprach er nit darzu
maria Neyn er bat vor fy vnd sprach vater vergip yn want fy en wissen
nit was fy dunt Do ftunde uch das gemeyne folck uff vnd spotte fyner
vnd warten wie is eynde wulde nemen Do muchte er wol zu myr
sprechen audi filia et uide Hore dochter die groifze fluche vnd wort
vnd du weift wol das du mich entphinges von dem heiligen geift vnde
das du mich druges vnd geberez vnd spifest mich myt dyner metlicher
mulch vnd das du mich fo zertelichen vnd lieppelichen ertzugez vnd
darvmb die wile das diffe nit an mich gelaubent das ich fy godes son
fo geleube aber du vnd habe erbermd vber mich Do ginck aber zu dem
sechften male here fymeones fwert durch myn sele vnd darnach yn
allen fynen noden muchte er uch nit hinkomen von dem scheher der by
yme hinck zu der lincker hant der uch zu yme sprach Biftu godes son
fo behalt dich vnd uch vns Do antwort yme fyn gefelle vnd sprach fortestu
nyt got wan du yn derselben verdameniffen bist wyr entphant bil(=
lich was man vns dut aber deifzer gedet nye keyn vbel vnd do er
fynen gefellen geftraiffte Do sprach er zo mynem kynde Erbarme dich
vber mich wan du komeft yn dynes vater rich Do sprach myn kynt
zu yme Ich sage dyr vorwar fu fals noch hude by myr fyn yn den
paradise anfelmus liebe frauwe was deftu do maria Do ftunt
ich by den cruce vnd iohannes by myr vnd by myner swefteren vnd maria mag(=
dalena vnd warent groifzes lydes vol Ich sach yn hangen yn vnliediger
noit vnd muchte yme zu keynen staden komen vnd do er mich erfag yn fo
groifzen lede vor yme ftan do wulde er mich nyt vngetroift laifzen vnd sprach
wyp sich an dyn son Darnach sprach er zu iohannes sich an dyn muder Do
was ift an der sehfster ftunden vnd wart eyne groifz vinfternis bis uff dye
[37v,01]none vnd do zu none do schrey myn kynt hely hely lamazabatani myn got
myn got warvmb haifz du mich erlaifzen Do sprachent etlichen iuden er
rieffe heliam vnd sprachent wir willen befehen abe er yme heffen wulde
Do wifte myn kynt woll die wifage die von yme gefaget was das die
erfult was vnd sprach Sicio mich durftet Do nam eyner eynen fwame
vnd fult yn myt effige vnd gallen vnd bant das an eynen staff vnd boit
is mynem kynde zu drincken das er defter ee fturff vnd do er das verfuchte
do sprach er Confummatum est Es ift vollenbracht vnd sprach vater yn dyne
hende beuellen ich dyr mynen geift vnd do er das gedet Do neygete er

fyn heubet vnd fyn fele scheid von fyne lybe do verlafch dye fonne
vnd zerzerten der vmbhanck mitten yn dem tempel vnd erschute sich
das erterich Dye fteyn spilten vnd die graber deden sich uff vnd erstunden
vil heilger lude vnd kament na der verftende yn die stat vnd leiffent sich
fchauwen **anfelmus Sage myr zarte frauwe hatte dynes hertzen**
noit do eyn ende maria Neyn anfelme hore eyn clegelich dinck was
fy noch mordes an mynem kynde begingen an dem dage do fy myn kynt
fo lefterlichen hatten gedoden Derfelbe dage heifchet der ftille fridach
Do was der ander dage fabbatum das was der iuden hogetzijt vnd dar(=)
vmb das dye licham nyt en hingen an yrem oyfterdage Darvmb baten
die iuden pylatum das er mynem kynde vnd den anderen fchegeren yr beyn
zubrechen lieffen an allen yren liebe das fy fturbent Das(=)felbe daden
fy den tzweyn fchegeren vnd fy wulden is uch mynem kynde gedan haen
Do was er von yme felber doit vnd do fy gefagen das er doit was doe
brachent fy mynem kynde fyne beyn nyt Das die gefchrifft erfult wurde
die da von den gewaren oifterlammes also fpricht Des oifterlammes gebein
fal gantz bliben Do ginck eyn ritter dar vnd ftach mynem kynde eynen
groifzen speiffe durch fyn hertze Do ginck von der wonden blut vnd
waffer vnd do ift das gefchag do wart mynem hertzen fo we als abe der
fpijff durch myn hertze were gegangen Do hette ich gar gerne geweynet
vnd myn hertze was als durre von weynen vnd von arbeit die ich den dach vnd
die nacht erlitten hatte Das ich eynen tran nyt me gelaiffen en muchte vnd
myn ftyimme was an myr gar verdorben das ich eyn wort nyt me gereden enkunde
Do was die wifagunge erfult als fymon sprach per tuam ipsius anima<m> Das fpricht
das die marter vnd pyn myns kyndes durch myn hertze fulde gan vnd
durch myn fele fulde fnyden als eyn fwert Want das fwert fyner marter
hat zu dem fiebeten male myn hertze durchbrochen vnd myn fele vnd allen
mynen lip vnd do ich nit mit dem munde myn kynt geclagen kunde do fpr^ach
ich mit dem hertze auwe myn tzartes kynt auwe lip vor allen liebe
[38r,01]Wo is nu aller der troeft den ich han alle myn dage an dyr gehabt
mucht mir yemant helffen das ich fur dir fturbe vnd do fyn fele von
fyn munde fchiet Do wiederfur den groifze freude die er erloifte
adam vnd eua vnd allen dengenen die fynen willen hatten gedan
vnd beflois do die helle das keyn menfche daryn en mach komen
dan mit fyne egenen willen Er besloifz fy myt dryerhande fachen
myt rechten ruwen myt luterer bichte vnd myt warer bufze vnd wer

die flos brichtet vnd yn die helle kommet der mus ymmer dayn bliben
anfelmus Sage myr liebe frauwe wie ginck is darnach maria

Es was eyn gut man der heifch Ioseph vnd was von armathyen der was
hemlich myns kyndes junger Want die iuden warent uff die iuden
fpyehen vnd derselbe ioseph ginck zu pylatum vnd bat yn das yr yme
gebe mynes kyndes lip ader licham das yr yn begrube vnd sprach
zu pylatum Ist er nyt balde doit das man yn begrabe so ftyrbet fyn
moder dye ift die allerzartefte vnd reynefte frauwe die noch ye gebo(=)
ren wart vnd fy hait dye allergroifzte clage an yr das fy vns erbar(=)
met das wir kome gefehen mugen yr vngedult Gelicherwifz als abe
fy vnfer eygen mutter were Do rieff pylatus centurio vnd fragete
yn abe myn kynt doit were do fagete er yme das er doit were
do nam das pylatus wunder das er als balde doit was vnd heifch
ioseph das er myn kynt neme von dem cruce vnd yme begrube nach
allem fyne willen vnd mircke anfelmus clegelich dinck Do ioseph
myn kynt von den cruce loifte Do ftunt ich uff vnd wartete daruff
ye wan yme eyn arme ledig wart das ich yn enfinck an mynen armen
ye eynen noch dem anderen vnd druckete fy an myn hertze vnd kufte fy
myt gar groifze leyde vnd do er allzomale von dem cruce was entl<o>ifzet
Do lachten fy yn uff die erde neben das cruce Do feil ich balde
nyeder vnd nan fyn heubet yn mynen schois vnd sprach auwe myn
zartes kynt was troiftes fal ich nu han fo ich dich dot vor myr fyen
lygen In dem do kam iohannes ewangelift vnd vil yme vff fyn bruft
vnd fchrey myt eyner iemerlicher ftymmen auwe vil lieber here uff
diffem hertzen ruwete ich gar mynnetlichen obe dem difche auwe
ufz dem hertzen dranck ich rechten vnsegeliche wyfheit auwe nu
entphen ich vnsegeliche bitterheit Do kam petrus gelauffen vnd
clagete myt groifze iamer myn kynt vnd sprach gar bermeliche wort
myt gar heyfchen trenen darvmb das er fyn verleuchet hatte Dar(=)
na kam maria magdalena der clage was vor yn allen vnd sprach
[38v,01]auwe ir edelen fufze die mich nyt verfmaheten do ich fy drockete myt mynem
hare Darnach kam iacobus myner fwefter fon den man nante fynen bruder
Want er was yme gar gelich das kome eyner vor dem ander zu erkennen
was Der sprach myt groifzer clagen auwe lyeber here we ift dyn
mynnecliches antlitz yme felber fo gar vngelich worden wer mach

nu sprechen das ich dyn bruder fy want du bist myr gar vngelich
worden vnd swor das er nimmer effen enwulde gebissen noch gefsen
bis das myn kynt erfunde von dem dode daselbe geschach Er was
an effen vnd drincken bis an den oisterdag Do erschein yme myn
kynt funderlichen do er an fyne gebede lach vnd sprach zu yme
Jacob bruder myn ftant uff vnd is want des menschen kynt is erfunden
Dye ander botten kament auch alle gelauffen myt groiffen iamer
vnd clageten alle yren heren myt heiffen trenen das fy von yme warent
gelauffen vnd nyt mit yme yn dem doit gingent vnd do ich vnd die
iungeren myt groifzen leide by yme foifzent Do erfrawete vns
myn kynt mit der erstentenis na fyne dode Syn lyp wart als
wonneclich als abe er nye flach oder noit entphangen hette want
die funff wonden bliebet gantz vnd uffen die er an den jungsten
dage wil tzuge aller der werelt vnd davon so gewonnen wir gar
groifze freude vnd do man yn wulde begraben do hatte ich also
groifzen iamer das ich mich von yme fulte scheiden das ich yn vmb(=)
finck myt mynen armen vnd hette yn gerne gehalten Do nam mich myn
kynt iohannes vnd wulde mich dannen furen do sprach ich zu yme auwe
iohannes liebes kynt laifze mir myn dodes kynt das ich nyt leben
hanen mach ader hiff myr das ich mit yme gegraben werde Do
sprach iohannes zu myr auwe vil liebe muter du weift wol das is
nit anders gefinen mag want menscheliches kunne muchte nyt
ane dynes kyndes doit erloifzet werden vnd do er das gesprach
do namen fy myn kynt wieder mynen willen vnd drugen yn zu den grabe
Do fy yn nu daryn gelachten do vil ich uff das grab vnd hette nyt me
begert dan das fy mich myt yme begraben hette Do nam mich iohannes
dannen Do sprach ich myt groifzen leyde zu yme auwe iohannes myn liebes
kynt laiffe mich genesen der groiffen truwen die dir myn kynt erczeuget
hait ynn fynen jungsten noit do er mich dyr befal vnd laifze myr nyt ge(=)
scheden groifz gewalt das man mich scheyde von mynem kynde want
ich wil gerne mynes ende beyden Do wurden alle die hertzelich fere
weynen dye darby waren Do nam mich iohannes wieder mynen willen
[39r,01]vnd furte mich yn dye ftat in myner swester hufz fyner mutter vnd do
mich die lude erfagen das ich so iemerlichen kam gegangen do hatten fy
so groifze erbermde vber mich vnd sprachent zu myr auwe eyn groifzer
gewalt is hude bescheen an differ wonneclicher frauwen vnd an yrme

lyebe kynde vnd ich liep in myner fwefter hufze vnd von groifzen leyde
hatte ich keyne crafft Do ich fas fo vil ich nyeder So ich lach fo was myn
hertze by mynem kynde vnd were gerne uffgestanden fo muchte ich nyt
uffkomen vnd uch nyt me weynen vnd hatte groifz noyt nacht vnd dach vnd
mich kunde myn kynt iohannes nyt getroiften noch myn fwefter noch maria
magdalena dÿe von der liebe mynes kyndes by myr waren mich kundent
alle myne gude frunt nyt getroiften Do wurdent dye wort an myr erfult
dye der wyfage lange vorhyn hatte gefprochen ieremias plorans plo(=
rauit in nocte Sy wente dag vnd nacht dye trene warent an yren wangen
vnd kunde fy nyemant getroiften auwe hore anfelme eyn groifz hertze(=
leyt das hup fich darnach an myr do myn kynt begraben was Do bereitte
fich myn fwefter vnd maria magdalena myt eyner edelen falben vnd
ginck von myr Do muſte ich ym dem hufze bliben von rechter fwacheit
das det myr als we das is vnſeglich is want myr vil eyn leyt vber
das ander yn Do ich nu myt dem lyebe nit dar muchte komen Do
was myn hertze doch alle tzyt by yme vnd gedachte an fyn mynneclich
antlitz das ich fo dicke hatte frolich angefen vnd an fyn fuſze wort
die von fyne gotlichen munde dicke warent gefloifzen vnd wie er ver(=
raden wart von fynen frunden vnd was er ſlege vnd ſtoifze hatte entphangen
do er gefurt wart yn des byſchoffs hufz wye fyner petrus verleucket hat
vnd wie vor pylatum gefpotten wart vnd wie leſterlichen er wart
ufzgefurt Do yme die negel durch vnd fuſze wurdent geflagen vnd
wy er gedrincket wart myt effig vnd mit gallen vnd das er myt eyner gruf(=
zelicher ſtymmen ſchrey Mich durftet nach menſchelichem heile vnd die iuden
keyn benugen hatten myt fyne dode fy wulden fich rechen an fyne doden
liebe vnd ſtaichen yme eyn ſper durch fyn fite vnd do ich das alles vber(=
dachte Do ſprach ich myt eyner jemerlichen ſtymmen auwe mynneclicher
ihesus got vnd menſch aller creaturen wye rechte bitterlichen du von den
menſchen gedoit byft durch der willen du die menſcheit von myr an
dich nemes auwe den hemelrich noch ertrich noch das apgrunde nyt
muchte griffen Der lyet beſloffen vnder eynem ſteyn auwe von dem alle
creaturen lebent vnd die element yren ſchyn von dem dy doden werden
wieder leben vnd der die engel hait geſchaffen vnd der alles licht hat
gemach<e>t der lyt yn der vinfternis yn eynem beſloffen grabe auwe
[39v,01]der ewege ondoittelige got der darvmb menſch wart das er den v<er>loren
menſchen wiederbrachte vnd muchte uch fyner kyntheit neyt geneſen

do er lach an myner bruft In begerte herodes zu fynden vnd ich alleyn
in den hufz was da fy mich yme gelaifzen hatten Do ich yn nyt me gefolgen
en muchte Do kam myn kynt myt eyner vnnefiger clarheit vnd was
fyn antlitz fo wunneclich. vnd fo schon als der wifage dauid fpricht
Speciofus forma Es was der allerfchonefte vor allen menfchen kinden
vnd do er myr myt al fulcher clarerheit erfcheyn Do gefach er myr als
mynneclichen an das ich alles das leydes vergas das ich ye von yme ge(=)
wan Do grufte er mich lieppelichen vnd fprach Bifz gegruffet mynneclichen
mutter gefeget vber alle frauwen laifz dyn groifz clage want dyn kynt
is erfunden von dem dode zuhant vil ich nyeder vnd kufte yme fyn fuze
vnd fprach zu yme Eyn ewiget got vnd fon des vaders von hymmelrich vnd
myn zartes kynt Ich loben dich das du alles menfcheliches kunne erloift
haft myt dyner bitter marter vnd der ewige hymmelfche vater fy danck
gefât das er dich uff ertrich gefant hait das du die menfcheliche nature
an dich genomen haft von myr dyner armer mutter Do ich nu difze wort
gefprach vnd von yme difz hatt gehort Do fcheit er von myr zuhant do
kamen die baten vnd myn fwefter vnd maria magdalena vnd fâten myr das
fy yn gefehen hatten Do fetten ich yn wye wenneclichen er myr er(=)
fchenen were Do hatte fy groifz freude an myn angefichte Dye fonne
was werlofchen von mynes kyndes doit man fach fy do uffghan vnd
fchynen Dye erde hatte fich erfchuttet von mynnes kyndes doit die er(=)
frauwete fich mynnes kyndes erfentenisz vnd die doden die traden darufz
das fy weren war gezug mynes kyndes erfende Do was myr myn
hertzes leyt benomen vnd frauwete mich das alles menfcheliches
konne von mynes kyndes vrfende erloift was Das wir uch myt gode
erftan muchten yn der zijt von allen zijtlichen dingen vnd yn ewicheit
das helff vns got amen Orate pro fcriptore
hy hat fant anfelmus frage eyn ende
Got moys vns fyn genade fende amen